



張元任 先生

閩南語 · 現代詩 · 社會組

第二名

得獎作品

一塊豬肉有佷重

——寫予「鹿窟事件」

得獎感言

寫作若是長長的暗暝，著獎就可比一粒流星，飛咧就過。

一塊豬肉有佻重——寫予「鹿窟事件」

提一本聖經

再會，手底犯罪的重量

毋管珠淚對佻爾仔生疏的目箍輾落

倒佇塗跔的烏影

永遠脫袂出白色的框

你又閣來矣，無聲無說

趁我未睏閣演一擺

無觀眾、無主角的戲齣

時間銃聲早磅掉去

到今猶聽著彼暝厝裡的大港雨

毋知是按怎予揀著的

敢講，（是除彼塊豬肉）

抑是，（斡入去彼塊該死的門牌）

櫛仔內，壁空已經揣無肉味

探頭的暗月偷偷勾破鐵窗外彼座秋

空腹的夜鷹

刑出菜廟死奄奄的哀怨

一支布袋針，十片指甲縫輪流

…鑿鑿……鑿…

鑿出的一粒字，「匪」

是咬斷喙齒根也鑽袂出的岳

嘔紅的口供流過毋捌字的手印，冷冷

溶掉阿爸透世人的躉直
溶掉土地公伯仔歇晝的樹蔭
連小妹蹺溪剪轉來的水聲也做伙啞口去

空床，一跤淺拖仔印痕
空碗，一巡昨昏拍無去的笑
空夢，補袂齊失落的山歌

一粒暗礁，利劍劍削斷綠島平靜的海
珠淚是白的
流星是白的
拖一條長長長的鐵鍊仔聲

胸坎彼揸獨一的號碼
刻滿貼面的壁
掩去，八號房磨短的性命線
上尾一幫船
載走上尾一粒日頭
砰，時間就染紅停落來

停佇，1952年雨聲做色的鹿窟
停佇，軍用狗嚙碎的山崙
停佇，作田人袂赴擲懸的反抗
停佇，炭工決心掘斷的12月花巷

砰砰砰，砰砰砰
35聲，一聲一聲埋入溼溼風中
噹噹噹，噹噹噹
百外條草子仔命
銹青春的傷跡，拍落去一座禁夢的牢

海做的懸牆，透狂風閣擗大雨
浸水的名一暝一暝脹大疊懸塚仔埔的白骨
牆中的日頭
含聲含淚也拭袂煞壁頂的遺憾

日光對傘尾津落時
牆，關死的靈魂自由矣
島，燒斷的歷史自由矣
所有的枉屈變做清風
拍開彼一工全然毋捌聽過的腔口，講
「真是失禮！阿們」

註解

1952年12月28日，臺灣省保安司令部佾保密局，用鹿窟一帶（新北市石碇區一帶）藏有共產黨員佾武裝基地為名，派出上萬名軍警包圍鹿窟山，真濟無辜的作田人佾炭工予掠走，而且有人予當場銃殺。連賒數買豬肉予厝裡食的潘炳輝，也因為賒數簿予保密局當做共匪名冊關8年，此案致使35人予銃殺，百外人判刑關起來，上細漢的干焦13歲，「鹿窟事件」，是戰後臺灣上大的一層白色恐怖案件。